



拜經樓藏書題跋記



Z  
997  
.A2  
W8  
v.3





Digitized by the Internet Archive  
in 2010 with funding from  
York University Libraries







拜經樓藏書題跋記卷五

海昌吳壽暘虞臣纂 吳縣後學江杏溪重校



陰晉陵集

右陰子堅集一冊詩三十二首後附錄詩話 先君子從  
抱經堂借舊鈔錄藏記首頁云陰晉陵集爲周萑兮大令  
手輯其後予從盧紹弓學士借得一舊鈔本不知何人所  
集視周本多詩數首因錄其副以補毛氏百三名家刻之  
所未備附錄詩話乃周所輯

集千家注杜詩

右二十五卷前題東萊徐居仁編次臨川黃鶴補注後記  
皇慶壬子余志安刊于勤有堂首列集注姓氏自昌黎韓

氏迄廬陵劉氏辰翁按 四庫書目二十卷元高楚芳編  
竝云本南宋書肆所刊楚芳略爲刊削而以劉辰翁評語  
散附句下已非其舊此本多五卷未知視楚芳本何如至  
楮墨精雅不減宋刻每葉二十四行每行大字二十小字  
二十六有雪莊張氏鑒藏圖記與向藏周禮重言重意所  
鈐用者同蓋精於賞鑒者也

杜律五言注解

杜五言律三卷元趙汭注吾族商山家塾刻本卷末一行  
云戊子春日之吉休邑商山吳氏七松居家藏板下有吳  
懷保印四皓居二圖記

韓文考異



百二十卷元刻本每頁二十六行每行大字二十小字夾  
行二十首序無撰人姓氏次爲寶慶三年王伯大序又次  
諸家姓氏又次李漢序汪季路書及凡例先君子書夾  
簽云按書錄解題載韓文考異四十卷外集十卷今此本  
文集止二十卷外集不分卷數不知何故又簽云查氏得  
樹樓本外集別刻目錄潮州謝孔大夫狀後尙有疏一首  
憲宗崩題名七首然查本刻法亦有誤題下注在後一行  
懋諸道字畫校此本端整宋諱如廟諱慎字敦字皆不缺筆蓋亦  
元刻也又簽云按此當卽留耕王氏原刻所謂南劍本也  
第余考秀水王惺齋讀韓記疑云王伯大本每卷末附音  
釋若干條而此未見其音釋惟散入注中譌舛亦甚多又



豈後人翻王本歟

又

明刻韓文考異四十一卷朱崇沐本卷首無宋呂公一條  
墨筆補內有丹黃評點又卷中補注各條細書於上下眉  
頗徵用力之勤惜不著其名氏前後有秀水朱氏潛采堂  
圖書及查初白印二圖記蓋曾經竹垞他山二先生寓目  
者先君子書云秀水王元啟讀韓記疑云明新安朱崇  
沐刻是書脫誤甚多因其行世最廣故據此詳校俾讀者  
考焉據王說是此本誠未爲善本暇日當更以王記覆校  
之

笠澤叢書

右鈔本七卷補遺一卷 先君子校定爲蜀本題辭見愚  
谷文存中 仁和趙寬夫跋後云笠澤叢書舊刻本不傳  
久矣近時有吳門顧氏新雕本字畫精好然諦審之譌謬  
疊見海甯吳槎客先生初借吾鄉郁氏本以勘新雕本復  
校以拜經樓自藏本及林厂山本海鹽吾以方本秀水蔣  
春雨本凡五校初用硃筆次綠次藍次墨末復用硃而以  
蔣本二字別之又以文苑英華唐文粹參校用黃色筆及  
硃筆合諸前五校爲七先生於是書可謂勤且密矣郁氏  
本拜經樓本林氏本蔣氏本皆舊鈔吾氏本則陸鍾輝所  
刊吳氏據宋本校正者也郁氏有元人王益祥跋卽都元  
敬據以付刊者然無元敬跋則或鈔自元刻無謬誤可依



據其篇次不與顧氏新雕本合

如紀錦裙在丙集首迎潮送潮辭在丁集首憶白菊

及閒吟二詩缺重憶白菊詩在丙集末求志賦下接問吳宮辭王益祥跋在陸惠原跋前拜經樓本分

七卷補遺一卷直齋書錄解題蜀本十七卷蜀人樊開所

刊文獻通考云七卷十當爲衍字則七卷爲蜀本無疑矣

特補遺一卷未知何時編入或書錄解題及通考不數補

遺耳前列魯望自序無樊序殆佚去案魯望自序云不類

不次混而載之得稱爲叢書則分甲乙丙丁者陸氏原書

式也以詩文分類析爲七卷者樊開所編也特字句較各

本殊勝林氏本者後有阮林跋云得龔蘅圃鈔本校然不

知出自宋元人何本無勝處不可信吾氏本訂譌僅數處

想多與郁本合蔣本分上下二卷編次與新雕本同惟少



未相經一篇字句無謬足爲郁本之佐證若顧氏新雕本  
先生以爲似從黃俞邨本出卽王貽上初得本也其中紀  
錦齋蜀本作記錦襦先生證以吳融詩謂作襦者是送豆  
盧處士謁宋丞相序先生以丞相爲豆盧瑑有宋字者謬  
皆確不可易坦旣借得校本手自繕寫浹辰始畢爰述其  
校勘次第各本優劣以質諸先生且以志嘉惠云嘉慶十  
六年十月廿一日書

又

右蜀本卽從舊本錄出後復從宋本附錄補遺一卷每葉  
二十四行行二十一字視各本多送小鷄山樵人序漢三  
高士贊小雪後書事小名錄序諸篇 先君子記云此卷

行款字數悉照宋本

又

石中吳顧氏刻本 先君子從諸本校凡五次並補錄小  
名錄序王益祥跋陸鍾輝跋及明王良棟康熙丁卯龔衡  
圃阮善長諸題識其始末具詳愚谷文存跋中此本記云  
甲午秋日借錢唐郁陞宣東獻軒舊鈔本校用硃筆復用  
片經樓藏本校用綠筆乙未二月以文又購得林厂山先  
生鈔本用藍筆校丙申秋仲復從海鹽吾太學以方借其  
照宋本校正陸氏刊本用墨筆并補錄小名錄序及跋辛  
丑九月又借得秀水蔣君春雨舊鈔本校勘仍用硃筆蔣  
本惟分上下二卷無目錄前列樊開序及自序卷末附陸

祖蒙傳朱袞後序德原跋蔣本前後篇數與刻本同唯少  
耒耜經一篇復經周松鷖大令吾竹房太學校大令記  
云乙未正月初四日校起初九日畢其確無疑義者用圈  
顯然謬誤者用擲至字可兩通者用點於傍但心緒苦劣  
匆匆或有未盡處況風庭掃葉此事本難覓牀其再勘之  
松鷖棘人周春記吾竹房太學書云戊戌首春覓牀先生  
以此書屬余校勘勘法一遵松鷖先生之例其是正處朱  
黃二毫爲勝然蹲鴟鷄尸白昔爲然覓牀其值本卽校勿  
以再三爲限可也竹素後人吾進識先君子又書紀錦  
裙篇後云吳融集有古錦裙六韻自注云錦上有鸚鵡鷄  
陸處士有序此是錦裙而非錦裙明矣按鮑鈐道腴堂集



云甫里集亦作記錦裾又書云按詳記錦裾文前言瓦官寺有天后羅裙佛旛皆組繡明是裙與旛爲二物復云李君乃出古錦裾一幅眎余云云似李君所藏衣裾與瓦官之天后羅裙無涉詳其制殆如今之霞帔故上狹而下廣前有鶴而背有鸚鵡的係子華所賦者無疑陸記又云縱非齊梁物亦不下三百年矣又曰曳其裾者誰歟其爲非天后羅裙益可見然其詩落句有武威應認得之語不知其何所指豈子華當日讀此記不審而亦認爲天后物耶書此俟考古者更詳之嘉慶辛未除夕又考梁元帝詩云願織同文錦因君寄武威融詩用武威當出此非指則天也又記 張文漁徵君書云笠澤叢書余向有碧筠草堂

刊本好友陸白齋又贈何義門先生校本自喜所藏稱善  
矣今假兔牀先生所校集諸家之大成較何本訂正更多  
按碧筠不爲吳人王岐所書筆訛尤多先生一一改正以  
說文爲宗且有益於小學不僅爲甫里功臣也又紀錦裙  
一首先生校正是裾字非裙字引吳融集古錦裾六韻自  
注云上有鸚鵡鶴陸處士有序爲證皆刊本所沿訛者先  
生精心校之後之求叢書者不得朱袞樊開本當以先生  
本爲甲觀矣乾隆乙巳七月十九日海鹽張燕昌識於冰  
玉堂 黃薨圃主事書云紀錦裾一首兔牀先生引吳融  
詩爲證可破羣疑矣余謂裾與裙雖各本不同而篇中曳  
其裾者裾字本不誤且曳裾未見所出斷非裾或爲裙之



誤也承兎牀借讀附著於此嘉慶乙丑四月十有九日蕘翁黃丕烈識

又

右陸氏刻本 先君子從慈谿畢氏所藏何義門先生校本烏程嚴氏所藏何仲子校本勘對並錄義門跋云此册丙寅歲大人從江右雜書中攜歸以其脫誤難讀久置敝篋中己丑秋適從虞山錢氏借得馬已嘗所傳元板佳本因取而改竄以示後人使知鈔本之不足據如此若能細寫一淨本便自可讀亦不負吾區區鑒比之意也焯記又此書別有編爲八卷者以自序冠之則此四卷者乃舊次八卷分雜書與詩而二之便非不類不比矣或謂八卷乃



宋刻殆耳學也焯又記仲子跋云借華山馬寒中所藏宏  
正中鈔本校鈔本雖未經校勘訛誤觸目詳其所自卻從  
宋本胥錄究爲善本觀者幸不以訛誤而忽諸康熙戊戌  
秋又八月之一日仲子記先君子書後云乾隆丁酉夏  
日鮑君以文爲借得慈谿畢氏所藏何義門先生校本因  
傳錄於此叢書外譌至多予廣求善本讐比至此凡七本  
矣常欲別刊一本以正江都哭下二刻之失未知何時得  
遂斯願也甲寅夏日烏程嚴久能茂才又以所藏何仲子  
小山手校本見借因復校一過又記義門先生跋後云  
畢本後附宋刻叢書八卷目錄與予舊藏鈔本略同故不  
錄鬼牀記又書紀錦裙曳裾二句下云按吳融有古錦

裾六韻自注云云而蜀本笠澤叢書亦作記錦裾似魯望  
所記者乃錦裾而非錦裙然文苑英華亦作記錦裙蓋仍  
訛已久矣觀此二句則斷非裙亦與瓦官無涉疑瓦官者  
乃武后之羅裙而魯望所記與吳融所詠者是李侍御所  
藏之古錦裾不得混而爲一也 又書卷首云陳直齋云  
叢書爲甲乙丙丁者詩文雜記政和中朱衮刊之吳江末  
有憾用蜀本增入蜀本七卷卽人樊開所序據陳氏之說  
是蜀本刊在朱衮前矣目元符庚辰至政和辛丑十一月予舊有鈔本七  
卷笠澤叢書以諸本會勘之定爲蜀本倘能刊之當遠勝  
此本矣

又

右亦陸氏刻本前有甫里先生像馮君補亭所贈先君子記云嘉慶乙丑秋日馮爾修茂才以此本見寄時爾修已薨三載矣

張承吉集

右唐張祐承吉撰舊鈔本首題張處士詩集凡六卷無序目按晁志作一卷

黃御史集

右曹氏刻本八卷末爲附錄前有洪邁楊萬里謝堦三序及四學佺重刻序四庫書目作十卷附錄一卷云原集佚此本乃宋濂熙中其後人所重編今此爲八卷未知視閣本何如首有敬亭山人家本濂溪二圖記



禪宗永嘉集

永嘉集唐僧元覺撰慶州刺史魏靖輯宋石壁僧行靖注  
凡二卷首有楊億所撰無相大師行狀

謏書

謏書五卷 先君子從蕘圃先生借本校刊跋見愚谷文  
存又鈔本一卷至四卷蕘翁錄寄有題語

碧雲集

右李中撰卷分上下首有孟賓于序舊鈔本 先君子以  
琴川毛氏東山席氏二家刊本校硃筆記歲月於後跋云  
李有中南唐時爲新淦令嘗與張洎韓熙載潘佑徐鉉諸  
人相友善故多投贈之什所著碧雲集水部郎中孟賓于

爲之序尾題癸酉者蓋宋開寶之六年也序中摘錄秀句  
方之方干賈島良不爲過然余讀餘篇見其眷懷邦國如  
有隱憂者正復不少則又杜牧羅隱之儔矣惜當日舉國  
風靡淪胥罔顧屈指曹彬南下之歲距賓于序集之秋寒  
暑僅再周耳虞之不臘明者已早燭其必然孰謂握三寸  
不律而仰屋梁者遂不曉事耶是集按晁氏讀書志及文  
獻通考所引並云二卷惟曝書亭藏書目作三卷予此本  
得之烏夜村張氏卷數適與之相符何古今本之不同也  
又序言五六七言二百篇而此時三百餘篇豈後人附益  
而重編之歟書此以俟它日考定云乾隆甲午立秋日甌  
牀吳某識



河東集

河東先生集十五卷舊鈔本有附錄 四庫書目作十卷  
附錄一卷按景序明言十五卷近慈谿柳氏有重刻本抱  
經先生竹汀先生並爲之序均未詳卷數未審視此本何  
如當更訪之 先君子書鐵圍山叢談江南徐鉉歸朝後  
一則於前云據此則仲塗文章雖擅一時而人品不無可  
議張景行狀謂不拘小謹蓋其微詞而陳直齋亦云開爲  
人史稱其傲很剛愎合觀數語則開先時自名曰肩愈者  
不亦妄乎戊戌春日偶從武林得舊鈔本漫題首簡

穆和南集

石舊鈔本穆修伯長著三卷附錄遺事有劉清之跋有呂

氏藏書山齋二圖記

古靈集

古靈先生集二十五卷宋刻本每卷前有子目末有使遼語錄一卷乃諸本所無者詳先君子愚谷文存跋語中每葉二十行每行十八字雖間有闕翻及文字漫漶處然紙墨精雅古香醃醕誠宋本之甲也已卯夏錢唐何夢華少府過設云新得舊本古靈先生使遼語錄一種未知卽果中之本否擬借校尙未果也

又

鈔本古靈集二冊乃曹氏古林書屋藏本有曹濟私印潔躬二圖記無闕葉有闕字校刻本多本傳及年譜二篇



先君子以宋本及小艸齋藏本校記後云乾隆甲寅長夏  
以所藏宋刻本校讐一過宋本乃鮑綠飲歸余二本互有  
存佚鈔本與謝在杭藏本相同刻本多使遼語錄一篇尤  
世所希覯也是歲秋七月記

宛陵集

宛陵集六十卷吳樵石先生評本書卷首云宛陵先生謂  
作詩須寫難言之景如在目前含不盡之意見于言外今  
讀其集方知此語實先生自道所得也敬業師曾令余宛  
陵正是突過摩詰又云宛陵仍是唐音非宋調也阮亭詩  
話作詩曰典曰遠曰諧典諧易得遠字惟韋蘇州及宛陵  
到之先君子記云右跋當爲吳樵石先生筆樵石名嗣

廣字芑君邑諸生嘗以詩受知於初白先生故稱敬業師  
王申秋日記 又書後云宛陵集爲吳樵石先生評點樵  
石名嗣廣字芑君樵石其號海甯破石人工詩與錢坤一  
汪匡古諸君往還唱和身後遺書多散佚予嘗從其孫曉  
亭見樵石詩稿若干卷今曉亭沒久矣不知此稿尙存其  
家否予藏宛陵集亦幾五十年矣嘉慶壬申七月八十  
老人吳某記於小桐溪之拜經樓

### 嘉祐集

嘉祐集十四卷 四庫書目作十六卷云洵集在宋凡四  
本曾鞏作洵墓志稱二十卷晁氏陳氏著錄皆十五卷徐  
氏傳是樓紹興十七年婺州槧本作十五卷附錄二卷又



宋本與徐本小有異同亦十六卷今所傳

有邵仁泓翻雕宋本與徐本小有異同亦十六卷今所傳者有兩本一爲凌濛初朱墨板本十三卷又有蔡士英刻本十五卷曾鞏所誌與晁陳所錄今不可見以所存四本相較當以徐氏宋本爲近古今用以管錄而以邵氏宋本互核焉是本卷數與諸家悉不合紙墨頗舊惟無序及刊刻歲月未能定爲何本耳

王梅溪集百家注東坡先生詩集

宋刻王梅溪集注分類東坡先生詩集每葉二十行每行大字十九小字夾注二十五前有建安萬卷堂刊梓於家塾長墨印卷首有慶元路題學副使曬理書籍關防鈐記及濮陽李廷相雙楹堂書畫私印圖記 先君子跋見愚

翠珍樓印  
翠珍樓印

古文存續編此本來籤云續文獻通考元時儒學提舉副  
司管祭祀諸職兼送到典帙按李廷相錦衣衛籍濮州人  
洪治壬戌進士累官戶部尙書兼太子賓客贈太子太保  
謚文敏有南銓稿二卷聯句一卷見千頃堂書目又書別  
紙云王梅溪分類蘇詩注二十五卷不及和陶詩迨施元  
之編年注始合刊之按苕溪漁隱叢話云前集乃東坡手  
目編定後集乃後人所編惜乎不載和陶詩然則當時人  
刊東坡詩多不及和陶詩無足怪也按馮星實刻文忠詩  
合注凡例所見元刊  
本王梅溪百家注或云末卷和  
陶余一見之此亦傳聞未確也庚溪詩話崇甯大觀間蔡  
京當國禁蘇軾文詞墨跡而毀之政和間忽弛其禁光堯  
太上皇朝盡復軾官職今上尤愛其文章乾道初梁叔子



任掖垣兼講席一日宿直召對上曰近有趙夔等注軾詩甚詳卿見之否命內侍取以示之乾道末上遂爲軾御製序贊冠其文集命有司與詩集同刊之先君子長歌一首見非經樓詩集此本後附錄並記云宋王梅溪集百家注東坡詩近所行本皆後人妄行竄亂芟併全失本真與宋商邱所刊施注蘇詩無異觀者每以不能一見宋刻爲恨今夏有茗賈持此書抵余家求售適余他出不值而去明日余歸操舟訪之始得諸陝西南湖中遂以善直購焉此書楮墨精雅古香襲人真舊本之最佳者爰爲長歌以書其後當乾隆五十一年夏重午後二日兗牀吳某識男壽賜書又夾簽云吾友鮑君以文嘗疑百家姓氏中胡

餘字邦衡爲後人妄添謂胡侔姓名偶同而實非忠簡公  
予竊以爲不然按注中明有引邦衡曰者則其爲簡無  
疑鮑君又謂忠簡廬陵人不應冠以苕溪子按書中只以  
苕溪冠胡仔姓氏上而胡侔上偶失著廬陵耳如潘大臨  
大觀皆黃岡人而列豫章之後徐俯臨川人而列臨安之  
後此並注字之鹵莽也

又

右蘇詩王注三十二卷末二卷爲和陶詩何義門先生評  
本每卷皆題記歲月卷末記云蘇詩僅三十二卷閱之匝  
月始畢讀書如此作輟雖慧者難望有成況愚鈍如予者  
乎放筆爲之惘然癸酉九月鈔摘坡公佳句五日而畢漫



手系本補注言是此言

聚珍板印

記書尾 此本 先君子從知不足齋借臨書後云乾隆  
乙未以文購得王注蘇詩乃唐音戊籤並何義門太史評  
本凡去價十千蘇詩是陳少章先生臨本因從之假歸倩  
朱君允達錄于此本戊籤別自臨之時丙申夏五吳某記  
內三十一卷中間淵明一首宋本在第一卷非和陶詩  
也 先君子特爲拈出

蘇詩補注

蘇詩補注五十卷查初白先生手稿桐鄉汪氏藏本面頁  
題初白翁原稿擁書樓收藏並有梧桐鄉汪氏擁書樓所  
藏圖記卷首自序云補注之役權輿於癸丑迨己未庚申  
後往還黔楚每以一編自隨己卯冬渡淮北上冰觸舟裂

從沙泥中檢得殘本淹浥破爛重加綴葺辛巳夏自都南  
還夜泊吳門遇盜探囊肘篋之餘此書獨無恙也自念頭  
童齒豁半生著述不登作者之堂庶幾託公詩以傳後因  
閉門戢影畢力于斯追惟始事迄今蓋三十年矣雖蠹測  
管窺何足仰佐萬一顧視世之開局於五月葺事於臘月  
半年勒限艱促成書淺深得失必有能辨之者康熙壬午  
仲春初白菴主人查慎行識 先君子記後云右爲初白  
先生手定注稿視嘉善刻本多有異同嘉慶己巳試燈日  
老友鮑綠飲自梧桐鄉過訪謂有初白注蘇詩手稿予出  
此帙之相對恍然蓋先生注此書數易其稿始成具見良  
工之苦心也庚午夏日鄉後學吳某跋于西籒之小縞雲



手經村...

聚珍板印

軒時平七又八又云桐鄉馬星實補注蘇詩屬其戚項根堂從

予借宋刻王狀元注蘇詩不意爲中閣故馮刻所引王注

亦多不全未免遺憾翌日槎客又記

樂城集

鈔本前集五十卷插花山馬氏藏本首頁有玉音孝友

著於家庭信誼隆於鄉黨朱文印卷內有古鹽官州馬思

贊之印馬寒中印華山馬仲安藏善本及秀水朱氏潛采

堂圖書諸印記鈔寫及書側題識俱精整

後山集

後山集二十卷舊鈔本先君子以秀水濮氏校義門先

生評本備先師朱巢飲夫子過錄記卷首云竹義門先生

評本乾隆丁酉從濮自崑先生校本過錄 義門跋云老  
學菴筆記云陳無已子豐詩亦可喜晁以道集中有謝陳  
十二郎詩卷是也建炎中以無已故特命官李鄴守會稽  
來從鄴作攝局鄴降虜豐亦被繫纍而去無已之後遂無  
在江左者豐亦不知存亡又康熙己丑秋日從吳興鬻書  
人購得舊鈔後山集殘本中闕三四五六凡四卷勘校一  
過改正脫訛處甚多庶幾粗爲可讀而明人錯本誤人真  
有不如不刻之歎也焯記又后山集十年前始得見明宏  
治己未南陽王懋學所刊脫誤至不可讀訪求宋刻于藏  
書家而未獲也康熙己丑吳興鬻書人邵良臣持舊鈔殘  
書五冊來售余取而與宏治本互勘則其所脫誤者皆在



雖出於元版已非魏昌世所次詩六卷文十四卷之舊然  
猶之爲善本也其中缺第三至第六凡四卷非仍得陳同  
甫編校者及向上宋本不敢妄爲補寫蓋新刻有與無均  
耳不讀而充數者尙之弗如其無也是歲中秋日何焯記

### 雙峯集

雙峯先生集九卷初白太史校本前有八世孫泰亨及永  
樂丙申徐鍊正統元年劉球序後有李大異撰墓誌七世  
孫佳及永樂二十二年舒仲誠洪武癸酉劉鑑跋及高才  
贊初白翁手跋云是集初刻於宋甯宗嘉泰四年公季  
子邁所編先生自序題曰雙峯猥竄至理宗淳祐七年再  
刻于連山章枕山有序元初公之七世孫名世重刊有歐

陽冀公序未幾板燬洪武中八世孫泰亨以家藏舊雕本  
重刻於南昌訓導劉鉞志其本末正統中十世孫守中重  
刻劉忠愍爲之序今所鈔者照正統本第八卷中缺七言  
律詩三首第九卷中缺訓後一條據別本補入康熙庚子  
重陽前四日慎行識 所補之條書于卷首云慎行於江  
西書局見是集鈔本第九卷中尙有訓後一條今補錄惟  
余之在職存心處事必欲上通天意下合人情買田築室  
勤儉得之後世子孫優必聞于詩禮勤必苦於耕讀教子  
擇嫻慎終追遠毋螟蛉異姓以亂宗祧毋勇很非爲自罹  
刑憲倘違是言則必爲人指笑曰舒通直郎子孫所爲如  
此可不慎哉此條補寫第九卷中此冊有慎行初白庵主



南書房史官諸圖記

雪溪集

右舊鈔本止五卷 四庫書目云原本八卷今佚三卷蓋  
不復有足本矣此本卷心題觀稼樓鈔書有玉峯徐氏家  
藏及沈廷芳茶園晦藥軒諸圖記集中載國香詩二首二  
原作一次韻其元唱非銓作也銓詩乃次韻耳鈔本不標  
題名氏而以元作附錄者書前致相濶耳安得它本正之  
壬午立春日又記

夾漈遺藁

右舊鈔本三卷詩五十六首文七篇

鄂州小集

右六卷 國朝程哲輯錄此從程氏刻本傳錄者首有哲序並鄭玉趙汭趙壘李宗頤宋濂王禕馬瑊蘇伯衡林公慶祝允明諸原序裔孫文達從裔孫朗原跋及曹涇撰傳等篇後附郢州遺文 四庫目錄作六卷附錄二卷此本附錄卽在六卷中目錄謂其集本劉清之所編此本叢雜少緒似非原帙又云附錄二卷爲其兄頌姪似臣之文今是編但有頌文而無似臣文

綱山集

舊鈔本月魚先生綱山集八卷有劉克莊林希逸二序

誠齋集

舊鈔本誠齋集四十二卷無序目錄後題嘉定元年春三月



男長孺端端平元年夏五月門人羅茂良校一條卷內有  
朱筆藍筆評點及校字每冊有以甯呂叔子印楨以甯之  
印諸圖記

後村集

右五十卷藍格鈔寫極精卷內朱筆評點前有秀水朱氏  
潛采堂圖書印卷首林希逸序目錄後題迪功郎新差昭  
州司法參軍林秀發編次後有武林盧文弨手校圖記  
四庫書目作六十卷今此實止五十卷

玉楮集

右刻本八卷據先君子錄抱經先生跋於前並書後云  
右玉楮詩稟八卷據岳倦翁跋自寫清本凡百零七版今

手校本以爲是此言

二  
聚珍板印  
聚珍板印

正合其數每卷首題十六世孫元聲等藏嚴殆明時卽依  
倦翁手錄傳寫付梓故版數適符而字句間猶不免魚豕  
何耶至跋中又云偶至海甯訪友云云海甯不知何地考  
今海甯州宋時鹽官縣至元天歷二年始改海甯縣惟歛  
之海陽縣晉初嘗稱海甯縣隋改休甯縣是宋時亦未嘗  
有海甯之稱豈亦刊梓時人妄改或係後人偽造此跋然  
元聲爲時名臣刻其先集不應鹵莽若此也偶讀廬學士  
抱經堂集跋玉楮集云未見刊本因錄其跋語於卷首以  
見前輩好古之篤并憶先生昔過艸堂登拜經樓徧覽藏  
書而此編惜未寓目今先生之歸道山已十餘寒暑聞抱  
經堂遺書散佚殆盡而予之抱殘守缺所藏雖未能若先



生讐校之精幸而未散然歐公有言物聚於所好而散於所不好人生數十寒暑耳孜孜矻矻露鈔雪購欲子孫常爲世守面弗替豈不難哉豈不難哉嘉慶十三年歲次戊辰中秋日海甯吳某識 又書首頁云昔張杞園嘗以玉楮集貽王漁洋乃明衡府高唐王所鈔漁洋有跋以爲楮墨裝潢竝極精妙未識視此何如庚午五月某又記 又別紙錄蠶尾文集跋語一條書下云按高唐王與吾家舊藏臨江王圖繪寶鑑裝潢精整蓋明宗潢之好古者識之

孝詩

林同撰一卷劉克莊序查初白先生從崑山徐氏借千頃堂鈔本傳錄前有臨安府柵北大街睦親坊南陳解元宅

書籍鋪刊行一條後有跋云林同字子真寒齋林公遇子  
福唐人卽宋史忠義傳中林空齋也史逸其名予考證得  
之爲載入統志人物中戊辰元旦書不著書者名氏 初  
白先生記云此金陵黃氏千頃堂鈔本乙丑余客都下曾  
於俞邵案頭見之今歸玉峯季子甲午九月借鈔畢附識  
初白翁下有慎行初白菴主得樹樓藏書查慎行印南書  
房史官及查岐昌印諸圖記

肇論中吳集解

中吳集解三卷釋淨原集釋僧肇所作四論而解之者首  
有慧遠序末有淨原後序宋本傳是樓藏書有東海臣炯  
別號自彊徐章仲所讀書徐燭章仲徐炯收藏書傳是樓



二渡書屋徐炯收藏秘笈宋本諸圖記書側題識猶其手筆也棗竹堂書目載此書不記卷數但云三冊

中和集

元本中和集三冊前題都梁清菴瑩蟾子李道純元素撰門弟子損菴寶蟾子志愿頤編前集一卷後集二卷續集三卷別集四卷新集五卷外集六卷無序按棗竹堂書目載此書一冊不記堂數道藏目錄載是書六卷並謂爲通儒賞釋之至言

柳塘外集

右舊鈔本二卷釋道璨撰□師孔序四庫書目作四卷與此不同按師孔序云錄其詩百有二首今集中之數相

符似無缺佚閣本所據蓋別本耳是冊前有海寧楊氏鼎  
木藏弄翰墨圖書傳之有緒二印記

佩韋齋集佩韋齋輯聞

舊鈔本佩韋齋集十六卷熊禾序輯聞四卷德鄰自序前  
有海鹽夏曉峯書畫記印後有聞人訥甫秘笈之印木印

富山嬾藁

舊鈔本富山嬾藁十九卷前題從曾孫方宗大編集有周  
瑄商帑二記周序謂曾孫宗大既嘗編次今五世孫文傑  
復能珍藏校正以壽諸梓云云蓋是本爲重編付刊 四  
庫書目作十卷或猶是初本與

滄浪先生吟卷



舊鈔本嚴滄浪集二卷陳士元黃清老編校黃公紹序

宋高僧詩選

舊鈔本宋高僧詩選前集一卷後集二卷續集一卷陳起輯

剡源文鈔

右刻本四卷前有本傳自序 先君子親筆評點記後云予心慕剡源文集數十年嘉慶甲子始購得是編而讀之漫識卷尾齊雲采藥翁時年七十又二又書居易錄戴以古文名淳祐大德間與柳貫齊名數語於卷首云按宋淳祐時表元年方幼齡下至大德幾五六十載且道傳生更後亦不得云齊名 又附錄馬寒中先生跋語於卷首寒中跋

云歲丙辰丁巳黃梨洲先生講學海昌先君子時與之  
往復議論惜思贊童稚未能備悉精奧也先生每極口宋  
戴剡源文府若購其集不可得後從叔氏日觀齋見先生  
所寄選本遂命思贊刻之家塾間歲書成府君見昔年來  
多故未暇整理昨冬與竹垞先生借得全集復發興修補  
欠葉校讐謄字其去取批抹悉依梨洲原本不敢妄有增  
損蓋遵先府君授刻之意也因憶幼侍府君與先生晤對  
已歷二十餘寒暑而府君卒於庚午先生與日觀叔亦相  
繼下世重展是集不勝慙然康熙庚辰七月既望海甯馬  
思贊識於紅藥山房

魯齋遺書



舊鈔本魯齋先生集六卷末卷爲附錄首有嘉靖九年康  
海序嘉靖三十年衡府新樂王序王序署分封青社衡藩  
新樂王誠軒道人載璽汝符父書於少和山房此本有不  
遠復堂難得幾世好書人趙北溟印無黨蘊真與雲恥齋  
諸圖記考明史彙列傳新樂王博雅善文辭諸撰集多可  
傳者高唐王厚煥齊東王厚炳皆以博學篤行聞亦可見  
衡府之多賢王也

道園學古錄

道園學古錄五十卷元刻本每葉二十六行行二十三  
字前有至正六年歐陽元序爲陳書崖先生藏本有劉氏家  
藏陳氏家藏書崖珍秘天都陳氏承雅堂圖籍陳書崖讀

書記陳氏藏書子孫永寶諸圖記 先君子八分書題前  
云予友鮑綠飲嘗云生平見學古錄數本獨未見此本驗  
其楮墨之精當屬元時初刻本又爲覓舊鈔學古續錄見  
遺傳成合璧云嘉慶癸亥秋九月既望吳某志所云學古  
續錄卽道園遺集乃公諸孫堪手輯至正庚子黃潛跋某  
又記

### 道園遺彙

百鈔本六卷綠飲先生所贈末卷爲樂府附鳴鶴餘音乃  
公與全真馮尊師合作蘇武慢無俗念詞也是編爲從孫  
堪克用所輯前有至正己亥楊椿序後有至正二十年黃  
潛序堪有題識樂府後有公自記及金天瑞跋 四庫目



目錄作十六卷與此不同今觀揚序云凡七百餘篇皆板行  
二集所無者遂分類編次爲六卷者一樂府題曰道園遺  
稿是所收當止此十六卷者或併二集數之歟

### 陳眾仲集

右元刻不全本僅存詩賦三卷序一卷首有明沈氏麟手  
書元史本傳并記云眾仲集不多見嘉靖丙申偶得此元  
朝刻本因手錄其傳於前以識歲月七十二詩竹東沈麟  
書 先君子題云按千頃堂書目陳恒安雅堂集十三卷  
今世行本大約相同予舊藏此元刻本二冊題曰陳眾仲  
文集考諸家簿錄皆未見有此目未審其同異若何卷首  
林泉子序作于至正辛卯距眾仲之卒已十年當是其子

顧最初刻本雖厚存四卷而詩則已全零編蠹簡何可不  
什鮮珍之鬼狀記又書別紙云按元史本傳文集十四卷  
不知卽此集否簡明書曰安雅堂集十三卷通志曰云元  
百家詩選小傳安雅堂集一百廿四首元刻陳衆仲集一  
二卷一百六十九首三卷一百五十九首通計三百廿八  
首較元詩選多二百四首賜按龔翁手札知其家有元  
刻七卷並多張翥序一篇曾許補入當更訪之

### 方叔淵彙

方先生遺稿五言詩四十二首後至元己卯樊士寬所鈔  
有跋及次先生自趙屯歸城中韻詩又有王東題語是册  
面葉題寄樓鈔藏有寄樓東萊仲子手鈔二印記



江月松風集

江月松風集十二卷金氏憲邦從愚復先生手書本鈔藏  
筆什甚精後有詩補二葉明陸嘉纘補四首曹潔躬先生  
從所藏元人真蹟補再次廷璋長史留宿韻二首題云余  
家藏元人真蹟有此二詩乃知江月松風集尙多遺佚思  
復以書名卷冊流傳人間者隨見當補入也又從玉山名  
勝集李氏畫卷崑山雜咏補詩三首金跋云錢思復爲有  
元詩家筆墨牋冊多有傳者獨此集渺不可見則庭山齋  
得觀思復手書江月松風集爲錢氏寶物今所收藏紙  
墨完好殊可寶愛因手錄一通藏之篋笥并使同志者得  
共傳覽焉丙寅閏四月二十五日金憲邦記後又錄補遺

二首書云戊辰嘉平月小除夕燈下錄於半園之脩然亭  
迂齋 四庫目錄云其集在明不甚顯此本乃曹溶得惟  
善手稿因傳於世蓋卽是本所從出也

夷白齋集

右舊刻十二卷義門先生手校本多所補正卷末鄭國公  
王處士二墓志先生從吳下冢墓遺文所錄石刻補正版  
本漫漶處手書於後云夷白記末卷鄭國公王處士二志  
板本漫漶予從汲古閣借得錢叔寶手錄吳下冢墓遺文  
續編二志在焉據叔寶云錄于文氏傳雲館所藏石刻者  
余取□□□□則企□□□□刻所避而刪□者乃非一  
處□□□□復不免聞往時述古堂收藏夷白□□□當



步經林

聚珍板印

年稿本不知今落何人手得之乃可是正耳康熙庚寅焯  
記又續王處士志可見淮張待士之厚草竊破亡而遺  
老猶思之不置蓋有足以感人者耶淮張無大略遠謨此  
固其一長也又記惜是冊間有剝落補字及跋語未能  
盡讀爲憾耳按讀書敏求記三十五卷外集一卷云宏治  
乙卯張習廣搜敬初詩文勒成十二卷刊之志其後云先  
生文集名夷白者三十四卷留吳下士大夫家秘不傳蓋  
當時原書雖觀故所刻不全君子惜焉此從其稿本摹寫  
者先君子書此條上云綠飲題云張習刻本每有出於  
三十五卷之外當時所據者不知何本又玉山雅集錄敬  
初詩大半不在集中知夷白齋稿遺佚者多矣安得好事

者廣爲搜輯以永其傳焉 按此本後無習題識而楮墨精雅當是宏治初印本耳

### 石門集

舊鈔本石門集十五卷嘉慶壬子李先芳序黎卓傳鶚後序 四庫書目作七卷未審視此本何如

### 斗南老人集

石鈔本四卷間有缺字首序題墨林後學

### 說學齋稿

冠太僕集四卷鈔本吳石倉先生藏書有朱墨筆校補處卷首有石倉手校及吳口嘉印州來氏藏書記二印卷首載竹垞先生說曰太僕說學齋文傳鈔都非足本雲林詩



集係葛邕遜祿易之所編前有虞伯生送行序卽後雲林集  
三卷是也

雲林集

雲林集鈔本南陽通賢易之編虞集伯生序詩二卷文一  
卷查初白先生藏本有其手校及南書房史官印記卷二  
後初白先生手書云按黃文獻公潛所作太常博士冠府  
君墓志府君諱永吉字德祥徙居雲林三十六峯之陽卽  
太僕之父也詩名雲林集當以此慎行識又云虞伯生有  
清明山房詩爲危太僕作又次韻太僕讀書山中見懷之  
作二首皆載學古錄二十七卷歸田藁中今檢雲林集皆  
失原作又宋景濂有題危雲林訓子四詩詩後云危公冢

丁字於轍自檢討奉常遷佐蘇州將之官賦四言詩一章  
勉之云云今亦失原作卷一後補梅仙峯七律一首從興  
州舊志采出亦先生親筆

林公輔集

天台林公輔先生文集一册不分卷初自卷藏本補其目  
錄于前並跋云林公輔名石明洪武朝人被薦授職開門  
下所著文計一百五篇不分卷帙余得鈔本於友人齋頭  
補綴破爛別錄如石原本舊用硃墨校閱每篇段落及字  
句之間多有鈎畫甲乙處於作者命意眉目分明要是留  
意於先民矩矱者故并其圈點悉依原本以存其舊焉初  
白翁又按先生臨海人洪武中與葉見泰等並徵官中書



舍人與方正學友善嘗奉璽書行邊有功進春坊大學士  
命輔導皇太孫以事謫中都教授棄官歸靖難初聞正學  
被禍爲泣哭於家成祖召之不至械至京猶欲用之先生  
對曰罪人逃死已久藉令可仕當與方孝孺同朝矣成祖  
怒嗣之死南渡後追贈禮部尙書謚貞穆事載華亭明史  
列傳世但知先生爲文士罕有稱其忠義者特表出之康  
熙辛丑四月合慎行再識

滄曄集

孫大雅著六卷前有宋濂撰東家子傳後有薛章憲跋  
古間刻郝元敬校本

草閣集

草閣集六卷後附箋皆集一卷宋濂序後跋不全未知撰

者名氏

### 圭峯集

羅文淵圭峯集三十七卷錢湘靈先生評本朱墨紛繪印  
記重疊 四庫書目三十卷此多七卷

### 姑蘇雜咏

右一卷明高啟著周傳編有洪武四年啟自序三十一年  
傳後序卷首有橋李項藥師藏堯峯山人諸圖記

### 大臣注文選

大臣注文選三十卷以古閣刊何義門先生七校本 先  
荀子從盧學士抱經堂借本手鈔前書首頁云按唐書曹



憲傳云憲始以梁昭明太子文選授諸生而同郡魏模公  
孫羅江夏李善相繼傳授於是其學大興句容許淹者自  
序屠還爲儒多識廣聞精故訓與羅等並名家羅官沛王  
府參軍事無錫丞模武后時爲左拾遺子景倩亦世其學  
以拾遺召後歷度支員外郎善見子傳今世第傳文選  
六臣之注而餘人罕有著聞者

唐音戊籤

戊籤八百十七卷義門先生評本 先君子曾見先生  
知不足齋借錄後六冊係巢飲師手書並補鈔缺頁記後  
云戊籤六冊臨始於閏七月之朔畢於九月九日日闕不  
無輟過於燈下者居多是以作字疏細不勻中間缺頁

以爲補寫但未釘入耳至字畫疑者闕之無疑者均之然  
尚有神忽處鉅眼可復校正焉丙午九月燈下書於金閨  
之客館舉飲識 先君子書云何義門學士評點出音戊  
藏攻訕語者得之不翅枕中書竊恨其流傳甚少此本予  
從知不足齋主人借錄有六册未竟朱栗飲茂才時館於  
姑蘇小濠園中適見予行篋有此六册遂爲卒業焉嘉慶  
庚午春宛牀山人識時渠飲漫已越歲矣 其中夾簽甚  
多爲從兄梅峯先生手筆先予記曰從子延清摘其可疑  
者出有爲予筆訛亦有原本誤者不無有益於此書也

戊籤餘

白戊籤餘稟本有硃筆有藍筆評點並按語又別紙書云



法維寺東樓

七絕

釋圓至曰郭氏王孫富貴封爵至開成

後猶不絕其宅不應在貞元元和已爲寺然郭晞傳云

祖杞秉政多論爭郭氏田宅德宗稍聞乃詔曰子儀有大

勳嘗誓河山勒金石自今有司毋得受按按此詔雖禁有

司論事未嘗以應有者還之也大以子儀之內末寒而不

保其室德宗待功臣何薄耶是書本八冊先言子以

七冊順文漁微君而留其一書後云予收得戎籍餘八冊

詳覽張甚常明經愛玩不忍釋予因割七冊貽之而自留

此冊以見前輩用力之勤非後生所能及也已酉夏日槎

客記又云余所藏有何杞瞻學士評閣唐音戊籤全部極

精誠學詩者之津筏也庚午暮春又記

唐分類歌詩

趙山分類唐詩原本百卷此僅四明舊本末少  
書首有咸清改元帝奎白序序後爲總目分類凡七天地  
山川類三十二卷朝會宮闕類八卷經史詩集類三卷賦  
部園廬類三十卷仙釋觀寺類十二卷又十一卷  
唐詩一類鈔手書兵師邊帥類二卷草木蟲魚類十二  
卷每葉十八行行十二字總目及每卷首行題某類卷第  
幾下空二格題趙孟奎又空一格題分門纂類次行題唐  
歌詩下列總卷數目蓋亦所謂大名在下小名在上者每  
卷各有子目每首詩前低二格書題次行低五格書人名  
行款亦爲近古後有毛斧季二跋及附錄藝文莊唐詩



詩後一條 先君子跋見愚谷文存此書云何義門評點

唐音戊籤中一條云趙孟奎分類唐歌詩殘本十餘卷汲古毛氏收得之今歸蔣生千道然則予在吳門所見者豈千道所藏本耶當更訪之己酉立夏日某又記又云嘗見劉一清錢塘遺事載咸淳間詔行官田之制趙孟奎自陳投賣蓋是時實似道當國以軍興國用匱乏特下此令官民騷然莫有應者自榮王倡之繼是惟文耀而已可謂賢而有識者矣使天水宗潢皆能如文耀之公忠體國又豈懼白雁飛來乎甲寅夏五又跋又云癸辛雜識又載春谷在衢州斬大蛇事亦可見膽識庚午夏又識時年七十有八又云趙春谷梅亭曰東風第一見癸辛雜識

會稽三賦

會稽三賦不分卷前題東嘉王十朋撰次剡谿周世則注

郡人史鑄增注

并撰釋音附入

有嘉定丁丑鑄序每葉二十二行

每行大小字二十均空一格

黃蕘圃主事跋云宋本會

稽三賦往予所見有三本一得諸顧八愚家一見諸顧五

癯處

一見諸顧抱沖所八愚五癯爲昆仲其兩本

悉屬舊藏若抱沖則得諸它處非郡中物也然皆大字不

分卷每半葉九行每行大十八字小卅二字不等注中有

注此板式與前所見者異矣茲本首載史序第一葉與會

稽三賦第一葉誤倒故印記反鈐于賦之第一葉應正之

丙寅穀雨後二日蕘翁識



瀛奎律髓

馬已倉定遠二氏評本一用墨一用朱 已倉書後云已丑再讀一過一閱月而畢生平所得詩法盡在是矣四月廿八日燈下已蒼馮舒 定遠書云家兄讀此書畢謂余曰吾是非與弟正同耳余意未信今竇伯姪以此見示取余所評較之真符節之合矣今日求可與言詩者定何人哉八月廿七日書於小樓之西窗家兄沒二年矣定遠識 陸氏書云已倉定遠兄弟稱詩爲馮氏一家學定遠評較此書凡有三四本評李此本其一也復取他本評語一一載入前後心目庶可考見余又從友人處見已倉閱本用筆墨錄於卷內以徵兩馮手眼之同異云甲辰閏六

月三日常熟陸貽典識 每冊副頁鈐以朱文本印云聚  
書藏書良匪易事善觀書者澄神端慮淨几焚香勿捲  
勿折角勿以爪侵字勿以唾揭幅勿把穢手勿展食案勿  
以作枕勿以夾刺隨損隨修隨開隨掩後有得百書者並  
奉贈此法余嘗仿此刻一印惟易末二語云後人寶遺書  
者必當謹守此法

### 宋人小集

宋人小集十六種姊婿詳梅隱所贈爲何潛齋集傅忠肅  
文集姚具茨集高彥先集謝幼槃集浮溪集白石道人詩  
佩草齋集倚松老人詩爪廬集雪巖西塍集雪磯叢稿疎  
寮集雪林集集病榻小集秋江集等 先君子題云許甥懋



東齋藏此南北宋人集十餘家似從江湖羣賢等集鈔合  
中間叙跋間有明人手筆情乎家數寥寥不及十之二三  
然終屬舊鈔可存披閱也嘉慶戊午兔牀識

### 二妙集

有舊鈔本八卷前有草廬先生序虞伯生先生所撰段氏  
世德碑後有泰定四年別嗣輔跋成化辛丑賈定跋

### 大雅集

有舊鈔本八卷前有錢肅陽維禎及良自序後有王逢序  
先君子命兄壽照書竹垞先生跋于末簡莊徵君楷閣  
校補數處鈐圖記於卷首

### 樂志園集

舊鈔本樂志圖集八卷後附補遺元崑山呂誠敬夫著  
先君子校閱復經黃堯圃先生以家藏秀野堂鈔本互勘  
手書補正脫誤 堯圃題云此冊爲兎牀山人藏本并手  
校者介眉翁示余余取舊藏顧秀野鈔本勘之大致略同  
而詞句互有得失至命名則有異此云樂志圖詩集一至  
八卷余本則分題各爲一集一云來鶴草堂稿二云旣白  
軒稿三云竹洲歸田藁鄭文康後記外又有鶴亭唱和一  
卷又有十葉亦敬夫詩無集名未知云何此皆脫之矣卷  
一內此多南道道中三首半各本皆空白因據補余本余  
本竹洲歸田稿內多杖屨云云至答之此本脫也亦據余  
本補入鄭記不全亦據余本足之初余校此冊未半卽病



病且幾死自謂校讐事絕矣幸天憐余之好古書而不致  
與書永訣新歲謝客竟畢校此册良友之託幸遂宿諾予  
喜而良友當亦共喜也唯鶴亭唱和已下詩卷帙甚繁不  
能任此筆墨之勞矣當俟它日命鈔胥續之嘉慶歲在丁  
卯陬月哉生明復翁不烈記 後附歲暮懷人之一云異  
地能同好一州得兩人僑居情久密謂髯翁過訪跡常親每  
過吳小屋寄書相賞曾遺畫絕珍蒙君作員騎歸  
至金去爲我賀新春歷歲底託髯翁其卿文康記及歸田稿內  
帶拜年帖杖履云云至等之皆補於卷末前後有堯翁更字復翁堯  
圃手校圖記

邦南倡和集

荆南倡和集一卷元馬治季常周砥履道二人遊荆南酬唱之作也前列鄭元祐序及季常履道白序後爲附錄亦履道留別季常及寄懷詩寄常所作履道哀辭及追悼追和詩又有高季迪後序重讀荆南集有感詩徐幼文李□□張□□諸人題先君子從鮑氏知不足齋明初刻本傳錄手校並輯荆南集附錄於後此冊書後云荆南唱和集一卷元明之交極爲鄭明德高青邱徐幼文諸公所稱賞傳本絕少予從鮑君以文知不足齋借得蓋猶明初刻本因亟傳錄其副并采摭記傳爲附錄係卷末予生平最愛荆南山水之勝往來數十年行篋未嘗一日無此書今老矣是不能出戶每一展覽慨想前輩之風流邇不可追



并念與荆南朋好疇昔唱酬文酒之樂不禁爲之罔筆懽  
然也嘉慶壬申季冬海寧八十老人吳某跋 此後簡莊  
徵君題記云嘉慶癸酉孟春勃海陳鱣借錄并對勘一過

赤霞集

赤霞集一冊五古七古五律七律五言罷律七言排律五  
言絕句七言絕句各體爲一卷首題赤霞公詩鈔梁溪浦  
義升則公著下題男伯熊涓飛手錄有陳鼎新閔白寅序  
傳略一篇無作者名氏面籤書赤霞集吳鍾巒選又浦義  
升崇禎辛未貢一條 先君子書後云赤霞集一卷乾隆  
己亥秋日購之花溪故家朗公崇禎中嘗司鐸海昌與許  
金牛爲布衣交故花溪兩垞之閒猶有傳其集者此編前

賢男伯解手錄豈尙其子舊鈔耶按赤雲集千頃堂書目  
不列卷數恐尙不止於此是編簽題爲吳公澹圃所選則  
益足重矣竹垞明詩綜錄五律石城一首周松雪云而書  
崇禎辛未貢一行恐是鴈舫選詩時手筆里所出又可喜  
也長至後二日吳某識又題予藏此書二十餘年矣每觀  
封面題字的爲小長蘆叟筆而松蘿大令之而不謬也  
嘉慶乙丑鬼牀

南濠文跋

都元敬南濠文跋四卷鈔本無序目

王百穀集

百穀先生集六冊爲晉陵金昌燕市竹簫書齋明目刊溪



疏延令纂諸集 先君子記云嘉慶庚申購得百穀先生  
集其評點者未審何人茗估謂是前輩許仲章明經筆未  
知然否鬼牀志 青雀集有西河毛文煜序 先君子書  
云此亦毛西河

漸江文鈔

查韜荒先生文鈔其塤設禘初先生所集 先君子傳錄  
書後云洗翁負卓犖之才學爲竹垞諸公所推服此彙予  
從其後人借鈔尙有漸江詩鈔惜未及錄其生平境遇多  
軋軻晚客茶陵而沒同邑朱茂才亦大與洗翁中表兄弟  
也有悼韜荒詩云路傍香艸霧中花采采其如秋望賒衰  
些欲招無處所不知雲雨散誰家觀此是洗翁楚遊時乃

春一煙花而死於其家亦可慨矣亦大臣當日觀  
山有曉亭詩鈔乾隆甲午春日鈔重午後三日校于升經

齋詩卷

右刻本仿齋詩四卷先子跋云寒中士舍生平與查初白  
先生交最稔逆故其詩律之風神流麗一往情深處頗  
相似至擬古樂府詞質意古使人味之不盡雖初白尙有  
不及予家去插花山僅一舍每登樓東望惟見寒烟衰草  
亂雲滿目慨望昔日之風流非特琴書圖籍散亡略盡卽  
道古樓之故址具不可蹤跡顧深生不同時之恨又云衍  
齋詩予家尙有大字刊本詩多有不同蓋刻在後也并附



查情吟香稿雕板甚工

天啟宮詞

右宮詞一百三十首明蔣之翹作前有自序 先君子校  
自跋語數條 簡莊徵君跋云明詩綜蔣之翹字楚樺秀  
水布衣甲申後隱于市詩話楚樺居射襄城詳校楚辭晉  
書韓明文集鏤版以行又輯構李詩乘四十卷搜錄鄉黨  
先正詩無遺兼能備舉軼事使聽者忘倦晚年無子書籍  
散佚無餘詩乘亦亡可歎也按明詩綜選秦楚芳天啟宮  
詞八首而靜志居詩話嫌其述客魏居多而事關德陵者  
寡不無微憾此楚樺所作較之楚芳作爲詳備乃詩綜並  
不選入豈竹垞先生猶未見耶鱣記

擬故宮詞

鈔本四十首唐詩一作先君子厚云唐詩昭字孔明  
家富藏書毛斧季嘗謂具有宋槧趙孟奎分類唐詩一百  
卷展轉傳友借之而未得詳拜經樓詩話

西村集

西邨老人詩集三卷後附補遺乾隆戊午重刻本 先君  
子補遺詩五首於卷末跋云余偶得陳勾溪先生手書  
詩一篇風骨蒼秀如其爲人愛玩不忍釋手吾友陳仲魚  
復以四利老人詩數首見遺亦其遺墨也書視勾溪雖稍  
樸致而詩格高雅似又過之因補錄卷末併附勾溪作於  
後此丁酉十二月兔牀後學吳某識



九嶷先生集

右傳鈔本雜文詩詞一卷首叙不著姓氏

東林詩集

東林詩集設孺木先生所著凡古近體詩三百三十七首  
後有錢朝瑋所作傳 先君子序見文存續編中此冊用  
硃筆照原本圈點並附錄竹垞檢討靜志居詩話他山先  
生八海記二條於末有按語

遺老高風

右鈔本一冊首爲陳乾初先生山中約次爲祝眉老先生  
忠魂歸夢記次爲乾初先生東海山臞祝遁角山養吾子  
蔡遵來雲先生蔡沛黃山大辛子許齋諸公詩又次爲山

聊先生項子連遊記及詞譜餘考餘考古爲州舊志序  
序內謂祝光侯許元五祝開美三君詩則止吳光侯先生  
者並附與其仲叔季三人詩先君子書後云乾隆丙申  
重九日登高龍山偶得是書皆海昌遺老詩文雜著雕卷  
帙無多而流傳絕少予不敢自秘別錄一本以贈吾友陳  
君仲魚俾與大學辨諸書同藏于新坂家塾此本則猶是  
龍山舊鈔也嗟乎南村風景恍焉如昨而諸公高躅嗚不  
可追是一編者將以爲錦里先賢傳觀之可也以爲宋遺  
民錄觀之亦可也庚子秋七月兔牀後學吳某記

古民先生集



右詩一卷陳古民先生手彙集名來甫先師集飲夫子  
記云昔在吳中於許生案頭見古民所書論詩畫冊子遊  
雲驚龍幾入神品蓋古民時寓硤之薇山書此以贈及門  
許公癸元也冊後但鈐古民二字圖記而不題姓氏竟不  
知爲何許人今觀是集書法一如昔年所見又得冤牀山  
人表而章之則十餘年之蓄疑一朝頓釋真快事也第飲  
誌先君子書後云陳梓字俯恭一字古銘家秀水之濮  
院學宗洛閩工詩書法得晉唐之遺晚右臂病癱常運左  
筆後居姚江以老此稿詩字俱佳陳子珍之槎客記時距  
作詩後一甲子冬十二月朔日又書觀末載藥酒方豈  
書此詩時已在癱臂之後乎又記

尊聞錄

右爲汪水蓮先生

維憲所著

先君子從魏君小洲處得

之小洲記云吾杭前輩汪水蓮先生殖品清華學問淵雅  
所與交皆知名士偶從市攤拾得此冊雖非足本味其言  
論尙友真今之古人聞全帙質存某處需索厚價兼靳借  
鈔誠恨事也庚午仲冬大雪節前一日小洲誌 先君子  
書云積山名維憲陳句山紫竹山房集有詩集序叙其出  
處頗詳謂可入獨行傳是編乃魏小洲賦偶於舊攤購得  
見跡置之案頭未忍釋也壬申仲冬八十老人吳某志

韻雲詩鈔

韻雲詩鈔一卷錢唐魏柳洲先生著原有墨筆評點處



先君子評閱用硃筆記前云乾隆乙未五月閱于拜經樓

紅柑齋詩草

梅甯查堯卿先生

義

著

先君子傳錄並手書沈歸愚宗

伯評語于上

汪氏雜著

此爲同里汪立仁先生所著

先君子收藏題後云此前

輩汪茂才立仁遺稿也立仁本歙縣人僑居小桐溪少工詩善屬文以屢困場屋悒悒不得志而沒無子遺稿多散逸每展斯編未嘗不爲之興歎也

韜光紀遊詩

右二卷朱人遠許時庵二先生序董浦先生增注凡墨筆

皆先生手蹟也

陸綸山先生集

綸山先生甯遠堂詩無序目後有闕頁

茶洋詩鈔

尙廷樞著內有筆墨圈點面頁題紅樹邨莊詩選

曉亭詩鈔

曉亭詩鈔一卷不分卷同邑朱亦大先生著前有東阿葛仙老題七絕二首並卷內朱墨筆評點

震西牘稿

白詩一冊不分卷吳漢上董掌衡先生書著中有與先

王父賞梅詩先君子題前云嘉慶壬戌冬陳仲魚孝廉



獲此稿見貽以其閒有與先處士觴詠詩也每披對閒如  
讀柳州先友記一過題中同東者爲方鳳逸王晴巖黃  
禹璋江寶臣陳種邁諸公方爲余姑丈江亦吳人先君  
子記云江寶臣蘇州孝廉時與先子同寓吳淞治目與伯  
仲兩兄亦稱莫逆某記又書首頁云掌衡茂才父維新  
先生與先君子同庚故交最契

蘭垞詩鈔

蘭垞詩鈔一冊海甯施自勛先生謙著先君子求得遺  
稿手爲繕錄並作序云施秀才蘭垞海昌人也少以能詩  
受知於鄉之先達頗自矜許及長累困於制科常鬱鬱不  
得志雍正乙卯詔州郡舉博學鴻詞蘭垞名在薦中亦

不登第老而厄窮益甚唯放情歌詠以摅其不平性復狷  
急善謾罵人以是率不樂與友獨於仁和杭太史堇浦爲  
忘年交唱和尤密庚辰仲秋年七十餘病沒聞伊子前天  
一孫尙幼意甚悼焉訪其遺稿未得心恒耿耿以爲憾事  
今年秋予甥孫煥始從蘭垞長女家借是編示余爲虛槎  
神聽非非想三集蓋其手自芟定者又已已詩殘帙通得  
古近體如千首輒欣然爲手錄之蘭垞生平詩囊如東笥  
此殆其什一餘多散軼不傳可惜也竊怪古今來流離不  
遇之士莫不託諸吟編冀垂不朽然而湮墜者多矣若唐  
之張祐王璘竝負不羈之才蒙薦知已終以傲物自炫擅  
棄草野慕其文者皆爲之興歎今張集具在而王作無聞



觀振言稱璘日賦萬言口給十吏則其平日篇章之繁富  
何如也故知通塞之理洵有命存而流傳之責的屬來者  
予無暇論定蘭垞之詩直重傷蘭垞之不遇而欲彙傳其  
梗概于來者云爾元默敦牂十二月立春日默齋吳某書  
於清暉閣

釣餘集

右朱吾也先生雜文一冊巢飲先師手寫本 先君子記  
後云右朱可人先生名達海甯人諸生英補先生之子也  
明詩綜

右初印本紙墨並佳先子記首冊云張爲儒蟲獲軒筆記  
朱竹垞先生選明詩綜喜刪改前人之句然有大失作者

之旨者卽如亭林集中禹陵二十韻前中禹南巡守相  
傳此地崩十韻叙禹陵後半往者三光降江干一障平八  
韻叙乙酉魯王監國事而末四句總結之日望古頻搔首  
嗟今更附膺會稽山色好悽惻獨攀登詩綜芟去中間往  
者十六句則所謂嗟今更附膺者竟不知何所指竹垞選  
此書意欲備一代文獻宜其持擇矜慎況生平又與亭林  
交好沒後錄其遺詩似不應鹵莽至此也爲儒字承之海  
甯人貢生生平湛深經學惜身後著述多散佚蟲蠹軒筆  
記四冊予從其從孫謨借觀起乾隆戊午十二月二十六  
日立春迄庚申五月三十日排日而計之大約經解爲多  
四令猶子昂駒錄其經解筆記雖尙闕而不全已足見前



吳某志于拜經樓

張珍撰

學之勤幾寢饋于經藉中矣予家尙有明經所批十三經文鈔亦人閒不可多得之書也嘉慶丙辰八月四日吳某志于拜經樓

斷腸集

詩三卷宋閨秀朱淑真撰 先君子手寫本並附錄百川詩志詩女史名媛詩歸宋詩紀事汲古閣校刊題語麗居幽事各條于前又記云某按名媛詩歸選淑真古近體詩凡一百七十餘首

蕭離集

右詩一卷元閨秀鄭允端著舊鈔本首爲錢惟善序次序不書名氏 先君子記云某按列朝詩集云允端集曲江

老人錢惟善汴人杜寅爲叙傳云云然則此篇蓋實筆也  
次爲至正丙申允端自序末有至正甲辰杜寅後序  
君子書列朝詩閭名媛詩歸二條于別楮並書卷首云提  
要以補離集爲僞託

玉窗遺稿

白詩一卷朱巢飲先師手寫本跋云玉窗遺稿予叔高祖  
妣葛太孺人之所著也向梓行於康熙辛亥間孺人中子  
僑居邑城板曾藏其家坐中落竟散亡無復存惟長嗣出  
繼大宗居小桃源故里其元孫筠峯每以先澤淪亡自恨  
生晚輒泣然涕下故是集及日觀山人集特於殘編賸稿  
中檢搜而珍藏之然就兩書以觀日觀世尙存十之三而



此舉幾等碩果矣惜無力重刊以壽諸世不能開摺先榮  
傳和芳徽吾亦與有責焉菟牀山人吳君葵里好古士也  
庚寅歲余館鳳垠去山人室邇甚嘗偕吾徒陳生誦陽豈  
訪一見如舊相識因窺見案頭陳相國徐太夫人拙政園  
詩餘一集係山人所手校付梓者乃知山人存心風雅木  
圖探石室之藏大梨棗之任第以是書爲發軔也頃之山  
人叩余曰玉窗遺稿君家物也盍出而一讀乎余唯唯而  
退歸徧撻故篋中不可得祇後於從兄筠翠架上檢得是  
書爲之喜而不寐迫欲手鈔一本以應山人之請奈薄歲  
闌俗冗蝸集未克完寫今春復適鳳垠學舍差得暇定續  
寫成書并識數言悲予素不能收藏是書旣乏力重刊敢

月繕寫爲勞乎哉然卒得應山人之請不負其好古之心  
也則又予之幸也夫時乾隆辛卯孟春下閏小月源朱理  
家識於陳氏之晚香齋

詩因

大清詩因閨門一集亦先師手錄 先君子校正

秋思草堂集

右集爲錢唐女史陸莘行所作老父雲遊始末有其甥吳  
嗣跋此本爲 先君子手寫並附錄尊前話舊各詩于後  
跋云有錄陸氏莘行遺書一卷莘行爲廬京先生女適東  
化祝氏今其後嗣無可考當從祝氏之老訪之或借其家  
譜詳之不知此外尙有著述否也某跋



海昌閣秀詩

白爲詩與周偁齡落花詩王範兩樓吟佟陳氏稿先  
君子書周詩後云右落花詩三十律錢唐魏叔子試得一  
更面有蠅頭細楷書此末署癸亥秋盡日錄海昌女史周  
偁齡落花詩三十律於林清書舍不紅妍宗廟書書法甚  
精惜今紅未知何人而周亦不知誰氏之女也予讀之愛  
未能釋因借歸而子姪輩錄其副與弟幼蘭落花絕句三  
十首合藏諸笥俟世之好事者傳焉海昌故多才媛由明  
以來如朱靜庵爲南有陳倫光皆表表者而倫光素賞樓  
集花落花三十律尤爲時所傳誦其警句若沾泥生果  
同證入水浮蹤或再逢死謝春光臣盡瘁生憎夜雨子成

仁散爲巫峽雲無影流出天台水有情處仲道姬即後閣  
手備看妾隨危樓紫絲帳外疑無地青粉牆西想有窗上  
六天應春試舞八千子弟夜聞歌紅綃別院偷飛月紫玉  
深宮竟化煙吳郡臺荒歌舞散漢宮人老世圖空舊雨新  
晴語冷煖今朝昨日判悲懽雖使須眉操管何以加之倚  
齡諸作纏綿淒婉託意隱然蓋亦偷光之後勁歟發一冬  
日槎客吳某識 書蕉雨吟後云幼嫻爲海濱破川人太  
學生涵齋次女適桐鄉李臨舉早寡無子女夫朱廣文相  
之輯其吟稿曰蕉雨樓吟凡三卷古今體詩二卷長短句  
一卷余從花溪倪韻翁借得全稿讀之惜其才之盛而  
之苦也詩曰終其永懷又暮陰雨非幼嫻之謂乎會燕事



有重修邵康之舉纂修爲姚江邵太史晉涵分掌藝文者  
仁和朱茂才文藻皆於余有故因卽錄集名貽之以存海  
昌名媛之一種復摘錄其詩數首于此設有好事者取其  
集而梓之當與素賞老人後先輝映矣甲辰中秋後一日  
槎客跋 佟陳氏稿前有題云佟陳氏爲海昌次升封翁  
女大司空學山先生嫡妹未出閣時所作秀慧之致已見  
一斑老荆之母姨也予初婚時偶爾手鈔及今展閱忽忽  
五十餘年若俛仰事戊申八月南屏時年七十有一 先  
君子書此後云次升名之選崇禎丙子舉人學山其長子  
數永之號考陳氏家譜次升凡五女第四女適三韓佟世  
南廣東瓊山令第五女名皖永字倫光適同邑楊中默有

詩名著素賞樓集爲時傳誦惜其姊能吟詠而人罕知者  
并名字亦無可考豈爲若妹所掩耶素賞樓集中間有與  
姊唱和詩今年秋武林魏小洲偶得此囊貽予因亟錄之  
首有戊申八月南屏題字南屏亦未詳何人也乙巳腊月  
槎客誌

### 花月吟

花月聯珠吟十二首爲沈氏涵碧所作及其女雲濤祝氏  
竹如同作予姊景昭氏亦有和詩二首附集後先君子  
書卷首云沈氏號涵碧陳清渠太學有爲族祖母沈花月  
吟跋曾屬余點定

### 繡餘草



嘉定白印蘭幽谷氏撰 先君子親筆評點餘詳拜經樓  
詩話

拜經樓藏書題跋記卷五終

拜經樓藏書題跋記附錄

孝  
三首見富  
春軒雜著

宋忠勇軍第三都都虞候朱記考

吳壽陽  
虞臣

右朱記同里陳簡莊徵君從山左東野明經得於揚州舊  
城無背文年號可稽並遭磨礪寸度銖兩不盡合制印文  
亦多剝損未能明晰安邑宋芝山助教釋作忠勇軍同延  
邊事二指揮第二都都虞候記江都江鄭堂文學釋作同  
延邊吏簡莊徵君作者釋爲忠勇軍右進邊第三指揮第  
二都都虞候今細加審辨似當以徵君釋爲正惟第二都  
則當作第三都篆文殘闕處尙有迹也考宋志侍衛親軍



步軍司有都指揮使副都指揮使都虞候各一人所領步軍自神衛而下左右四廂都指揮使都虞候左右廂各有都指揮使都虞候每指揮有指揮使副指揮使每部有都頭副都頭十將將虞候等忠勇軍在步軍神衛下隸侍衛司咸平五年以易州兵能禽賊者立指揮一成都此印微君謂是忠勇軍有軍下第三指揮考五代史唐傳白左靜邊都指揮使晉紀有鎮海興武左右廂間道都指揮使是每軍下左右廂指揮使又各有其號宋沿唐五代之制當不甚異進邊云者猶靖之開道之類歟徵君考又云鄭堂記此印是高宗南渡駐蹕維揚倉卒時所鑄按中興通鑑建炎元年因李綱議募兵仍勅禁軍驍勝北捷忠勇義成

龍武虎威折衝果毅定難靖邊凡十號每號四軍云第  
三指揮其四軍之一獸又按渡江後官印多亡失禮部更  
鑄給之加行在二字或冠年號以別新舊茲不冠以年號  
者明此軍初復無新舊之嫌也惟時方草創三衛之制未  
備立御營司有御前諸軍都統制容齋五筆載所進劄子  
請正三衛之名時不果行然建康志御前諸軍都統制司  
題名配王權以龍神衛四軍都指揮使甯州觀察使殿前  
司忠勇馬軍統制除武康軍承宣使吳玠建康府駐劄御  
前諸軍都統制是仍帶指揮之職而忠勇更屬殿前馬軍  
司矣又建炎後將兵屯駐復有忠勇遊奕甯宗嘉定三年  
以江陵忠勇軍爲御前忠勇軍則似此軍廢而復置要有



增易忠勇之號不獨侍衛步軍成都指揮而其禁衛職  
近事親固直隸御前者矣此記視予家端拱二年拱聖下  
十都虞候朱記稍不逮然古色黯然篆法深秀其銅質鑄  
造不及他印之精整正鄭君所訓倉卒時所鑄者耳嘉慶  
丁丑九月吳壽陽識

金勾當公事印考

右金源印長宋尺二寸一分廣同重二十兩柱鈕高寸三  
分厚五分文曰勾當公事之印背文爲土花繡蝕字盡不  
能明晰向止釋出正隆四年四字頃復知洗剔定爲六年  
非四年下有八月二字左旁尙有汴少府監造五字考正  
隆六年爲宋紹興三十一年是年金主亮方悉師侵宋是

以有勾當公事之稱金時本有勾當公此云勾當公事蓋  
廢兵則給此印猶宋史曹彬歸自江南進勝子云奉敕差  
往江南勾當公事同是也其稱汴少府監者亮以六月至  
南京四月詔百官先赴南京治事尙書省樞密院太宗正  
府勸農司太府少府皆從行此印鑄于八月故少府上冠  
以汴字時蓋草創尙不若正大二年印之稱大明行部也  
定元年印之稱行宮禮部歟稽其鑄造歲月與本紀皆合  
符節是否互證惟是背文填施須映日視之字迹始顯既  
中丞山左金石志所載第據印文摹入未悉其全也

蒙古景州印考

甲戌四月於武林天水橋舊肆中得銅官印一朱文四字



曰景州之印銅質精純土花斑駁度以宋三司布帛尺長  
二寸一分強廣二寸一分弱博五分重今權十又三兩七  
銖柱紐高一寸二分縱徑九分橫徑四分中刻上字背白  
方正書宣課行三字左方乙未年三月日造七字左側景  
州印三字篆文屈曲盤迴正書亦古拙有致但有鑄造歲  
月無年號蓋蒙古太宗七年印也是時爲宋端平二年蒙  
古未有年號國號但以干支紀歲耳其曰景州之印者按  
隆平集所載宋制凡節鎮有節度使印隨本司關州州本  
吏用本州觀察使印又有州印文曰某州之印金時節度  
州印三曰某州節度使之印曰某州觀察使印曰某州之  
印元初官制未備景雖刺史州而未有常員州印尙仍宋

金之舊歟其曰宣課行者考元史百官志太宗始立十路宣課司選儒術用之金人來歸者因其故官若行省若元帥則以行省元帥授之蓋時始有宣差徵收課稅之使大興翁宜泉比部藏一印曰勞差官印背文無年月但云宣差襄陽唐鄧軍糧稅所成造是課稅所亦掌鑄造之事地理志河間路景川唐觀州又改景州宋改永靜軍金仍改觀州元因之至一二二年復爲景州據此則太宗時不應有景州之稱然太祖紀八年癸卯取雄霸莫安河間滄景獻深祁蠡冀恩濮開滑博濟泰安濟南濱棣益都淄濰登萊沂等郡又十六年辛巳宋京東安撫使張琳以京東諸郡來降以琳爲滄景濱棣等州行都元帥鄭義傳初事太宗



佩金符山東路都元帥兼景州軍民人匠長官從伐金子澤曩年老弟江代其職世祖北伐賜金符兼景州軍民人匠長官中統三年以江子珣爲千戶領景州新簽一軍千餘皆稱爲景且按世祖紀至元二年閏五月升舊縣爲景州止言升縣爲州不言改觀爲景元混一方輿勝覽刊於世祖朝景州沿革亦不書至元改名之事又大甯路亦有景州潛孳堂跋云大甯路亦有霍州景州史志無之此書亦未詳其沿革姑記之以俟考是或當時旋置旋廢偶存其名歟且大甯非財賦之區而景爲金鐵所產此云宣課其爲河間路審矣迺志與紀傳岐互頗滋疑義殆草創之初輿地名號未能歸一逮中統五年省臣奏請分立省部

四方正名而後爲定制歟其以此乙未爲太宗七年者考  
太宗六年甲午減金得中原州郡七年乙未置版籍頒發  
州郡牌印正其宜矣又考食貨志元之諸稅皆定于太宗  
時商賈之稅甲午年之課稅所大都宣課提舉司迄諸路  
皆定歲入之額此正足與旁差官印相證其皆爲元初制  
矣若遼南京析津府景州置於興宗重熙中重熙二十四  
年歲在乙未金之景州先爲河北東路後屬河間改觀州  
在後廢帝太安中當世宗大定十五年未改州時歲亦在  
乙未然皆宜有年號且與宣課之稱不合故定以爲蒙古  
印耳

詩十五首見  
蘇明卿卷



雲林寺

吳壽陽

靈鷲何蒼蒼清勝擅幽獨古寺山麓間到門途屢曲冷然  
一泓泉澄流漱寒玉清淺不可唾挹之未盈掬奇峯飛片  
雲穹然架佛屋復洞挂巖巔危石割崖腹莊嚴五百尊山  
骨何時剎上有古經牀祇樹敷春木幾處婆羅花紛紛  
輕綠寺僧解羈導相與殊不俗西澗更追尋新篁夾修竹  
鮮翠滿人衣蒼煙俄滿目日暮整歸鞭綠雲猶可束

秋日寓葛林園次奚丈鉄生韻

頗厭城市煩山居滌炎燠疎雨滴新梧輕煙挂修竹半榻  
借僧寮一燈近佛屋高人肯來過相與慰幽獨懷古登層  
阿捫蘿徧深谷猶有白雲屯山樵閒共宿

文待詔爲王槐雨侍御寫拙政園圖

吾鄉胡上舍爾榮家

五湖煙水鷗鷺邊長虹渺渺浮遙天黃柑綠橘霜林一  
笠扁舟動秋思甫里舊躋導鱸鄉夢隲卜築間溪堂輞川  
清曠雲生戶但見槐黃落如雨寒泉一眼淨澄空花綺羅  
磴泉皆紅湘波滿地薄翠玉寫出千竿萬竿竹林巒如畫  
畫如詩筆妙惟有衡山知七十二峯羅几案取煙霞纔  
一半王公本是尋常人文安有力扶直臣閒居澗閭全清  
節爲政焉能更辭拙君不見吳郡昔著青冠坊范公諫聲  
天下彰又不見黃州南園斬一醉功成那復論榮悴得  
白雲歸去來待詔有詩  
去來辭圖故園夢醒對三槐細想清風臨頓



里北禪夜靜鍾聲起

東坡先生鹽官圓絕句殘碑

安國寺前雙檜樹矯若二疏辭漢去延恩寺裏賢師琴月  
空退之無古今當時四海一蘇子擔筇瓊雷寄儋耳杭州  
出守到鹽官大悲作記儒通禪興酣清詠動高閣腕底濤  
聲天際落揮灑墨妙驚老僧神采外映中藏梭鐸刻好事  
留貞珉何年流落明湖濱有美堂前秋潑翠古石飛出吳  
山雲士鄉主人雅好古忍使零圭蝕苔土扁舟載過蘇閣  
中醅醺芸編日爲伍家君得宋槧百家注東坡先生集四  
名藏書處曰蘇閣憶昔先  
生遷黃州尋春亦復城南游先生有黃州安國寺尋春詩小房曲檻合  
修竹何如散髮披襟臨風浴獨有眼力窺天人修行無物

搜世塵埋雪蒼龍凍不死幻作神犀騰扇底東南文士知  
所歸學儒學佛通其理鹽官不可無公詩草湖兼以拜公  
祠梅守賜墨出瀉祐廟側同此尋堂基響揚瓊帷日千紙  
殘字猶將補栗尾寺門清暑搖白蓮齊豐香市記年年重  
將遺墨表靈瑞定有萬大祥光騰妙智

案君謫直隸一石

過陳簡莊徵君紫薇講舍

背倚蒼厓閣一間雲生北牖抹煙鬟放翁詩句堪移贈  
宅錢多爲見山

講舍築於磽石兩山麓

新坡舊業本黃岡卷軸丹鉛說士鄉

士鄉土鄉先生重繼白堤上讀書也

公吟眺地紫薇花下讀書堂

舊藏英石立峯高二尺許係插花山馬



手集 題此詩

七

聚珍齋

故物賦此紀之卽川先生集中曠野看雲歌韻  
 吾家有石瘦而奇嶙峋三尺芙蓉垂彷彿花山花  
 折花枝作雲腳英德靈產高丈尋美人袖舞雲樹明小峯  
 峭立衆峯亂也復煙霞成片段南樓道古簾頗幽仇池兼  
 伴吟香工海山檻外勢奔走想得風簟同撫手占鴻分漸  
 甯高飛樂樂石兮其來歸  
寒中先生益易得斷之二爻因以衍齋爲號並有坐磐石小亭  
 丙子歲除前六日過吳門訪黃堯圃主事丁巳

居賦贈二律

雪滿楞伽又歲除乍從江夏識林居千秋盛業歸求古三  
 世交遊重訪書閣建長恩嵐翠列  
主事嘗欲建長恩閣於虎阜  
 圖傳員  
 嶠巖光舒祇今故蹟摩挲處展對雲山愴有餘  
先君子曾爲蕘翁作

員請訪書圖時適攜員  
驕直逸印因以為贈

數卷遺經獨抱殘延津敢望劍雙完甯知百衲成琴易求

使千元集古難董氏全編供合校重言片帙輔精刊昨方校刊

周禮鄭注以明董氏本為主而校以各宋本假余家舊藏

小字京本重言重意合勘余家本闕春官及夏官上堯翁

出小字宋本夏官並得春官成全璧焉新年好向梅花祝露叟

贈家枚庵先生

槐市幽棲比鶴巢先生居吳之鹿樹街高風幾為俗情淆商山此日

方山子萬卷藏書手白鈔先生聖籍休寓第商山派家藏

山子相擬

寒公寂後邇煙霞望裏支硎水墨除官舉詩賦於支硎與



正系... 題是此言

九

張珍板印

珍重陔中詩畫簷深山雨過落松花

先生嘗贈先君子畫扇並題句云決決泉

流溪淺沙深山雨過落松花開來  
潤踐山僧約留得先春顧清茶

中秋前四日海鹽張煤谷以秋濤古琴見寄 無

絃幾識響桐聲忽枉金徽致逸情一曲清風來海上滿天

涼月晚潮生

丁丑三月望日從臨江鄉魏小洲處接葉東卿去

臘寄書並寫平石經論語殘字

西湖草綠柳飛絲已過江南穀雨天孤雁聯遼經隔歲

書為

鮑校堂稿致余與  
牧堂別三斗矣

同心想望路三千奇文曾錄圓橋外

東卿

曾刻草溪學士所摹  
太學有鼓弟八殘文

殘石重蒐廣政前卻憶臨江蕉萃客

何時商畧共道編

小洲嘗得蜀石經毛詩殘序先子曾摹  
副本並舊考異二卷未及付梓小洲擬





諸論  
古者

丁未年九月

九

卷之九

黃岡古木秋明瑟古寺溪橋趨石佛稍雲被離斷  
麥抽秧新啟墾腰鎌忽訝土痕移觸手俄驚破  
碧草色斑斑彩炫青蚨風拂拂村童撲滿直相當  
名品列製沿孝建或僅傳聞尚有二三模改齊宣時可悉  
貨泉並得稽師利大布還稱彌羅突就中獨數五銖錢珠  
貫纍纍餘百十圍徑慮厖寸稍羸重不及今銖之一  
好郭漫無郭肉篆分明輪緣濶紀年應與湖鰲梁友稚角  
錢堪共說緬懷江左幾滄桑紛紛南北輪軍實中  
部銀幣革東晉流傳三吳貨充溢一自江陵敵  
聲切銀甕難椎玉璧堅石頭幾下金陵缺空餘洲苑鎮錢

龍安見柱文堪易轍於時耆舊老邱園新坂家學惟傳述

兩朝講幄秩胥崇北使東歸彌守潔時經太建又歷年不

數字文更幣日薤藏或又後賢遺篇金豈是編金埒孤燈

落日寒煙碧遠水浮空嵐翠活叢林廣福溯遺碑太平廣福寺碑

元至正三年沈景顏撰文俞伯和書依稀鐘梵雲山徹家藏太平鐘梵意

當年楊殿間夏畦過雨兼飛楔復有具區源百斛黝然太

古并州鉄先人歌詠志遺聞遠寄紫芝借考核龍降乙未

於諸雨後士中得雷斧及古錢數十千皆精宋時物先

大舟一中有梁五銖鐵錢三百餘千先君購得祗今故物

同陳迹慨想流風滋唳咽遺編三復瘞錢篇書熟試從追

往營黃岡書塾額



附詩

五首見雲根  
室偶存稿

朝登萬蒼山望永安湖

吳之洞 鱸鄉

夕息溪灣舟晨尋溪上嶺躡屨緣坡陀停策披榛梗叢  
篠暖新雲喬林耀初景飛泉濺足清浮翠侵衣令盤紆  
徑漸微步仰飛鳥引探奇景不延濟勝力徧逞絕頂一  
振衣曠區重引領選青迎列峯秀綠挹修吟迴渚開煙  
光重湖出鏡影漁舟繞菰蒲野鷺掠萍目送山間禽  
啼入柳陰靜疎花明倦眸遠鐘發深省心會多妙理情  
移無止境孫登隱跡遙許掾遊蹤汎願追高士風重泛  
湖中艇

程孝子行

硤石程翁馬期字秋用以孝行聞鄉里  
年八十同人從補鵬爲翁祝壽辭焉而

以生義為言終古人親親之義合于父子人皆以之其孝

思之成也爰為賦孝子行云

程孝子生寒素負土山中築親墓風懷風木悲還撫塚  
間樹年且躋耄孝心猶切孺慕慕親日日展親榮春露  
秋霜傾心驚時過若駒隙事死常如生子事縱盡禮親  
死長已矣蓼莪偶歸哀頓深鮮民生誠不如死於今大  
德臻大年客來擬賦稱觥篇孝子敬謝客致辭先泣然  
人無父母生日倍悲痛世任伊川先生語祖訓夙承溯朱賢身  
不及難老萊綵詎忍醉吟香山遙惟慕泉明自輓意聊  
冀知交情見一死前我聞此語因追憶和與交已三世  
歷不須更作北邙歎更須南山什古之遺孝永名世無



極特表程鄉百世式

擬唐人贈遠

別時見楊柳歲暮未還家君看風前雪還如楊柳花

秋日登學宮尊經閣

林杪出書樓梯雲到上頭煙光萬井暮砧響一城秋  
瞰浮圖聳窗倚碧河流一登巖山小遐想聖門遊

題蔣生沐廣文雪齋傳牋圖次韻

消寒合尊坐相促不供醉吟徒醉後吾人愧乏梁園才  
白雪歌高難再續圍子則毫獨鍾詩澌筆冰颺稟清福  
辭殫韻劇倡屢和新詠能砭俗耳俗郵簡傳誦如樂天  
香名勝飲防風粥想得溪船夜棹回手裂香詩還燭畫

師傳詞客事帆滿寒雲見飄沐鴈湖渺渺接錢湖雲樹

懷湖其通矚

君詩多疊錢唐注史劄記見淵通

家陶舫曾載詩細甲東

風一藝綠

陽美吳菊吐虛士曾為先大父作載詩圖

者舊風流莫弟書中泚

泖空馳目

拜經樓藏書題跋記附錄終



丹波縣志卷之三

風俗

光煦少孤先人手澤半爲蠹魚所蝕顧自幼卽好購藏三  
吳間販書者皆莒人來則持書入白太安人請市焉輒歎  
曰昔人有言積金未必能守積書未必能讀若能讀卽爲  
若市以故架上書日益積稍長欲得舊刻舊鈔本而莒賈  
射利之術往往索時下諸刻與易而益之金則輒轉貿易  
所獲倍蓰未幾凡余家舊藏世所恒有之書易且盡矣今  
計先後衰集者蓋得四五萬卷露鈔雪牘其值已不貲而  
舊刻舊鈔本之中舊賈弊更百出割首尾易序目別書以  
就諱利字以易名染色以偽舊卷有缺者他版以雜之本  
既亡錄別種以代之反覆變幻殆不可枚舉故必假舊家  
藏本悉心讐勘然後可安而吾邑藏書家近數陳簡莊徵



吾士鄉堂吳宛牀明經拜經樓顧余生也晚均不獲接其  
緒論徵君沒書籍亦亡失惟吳氏猶世守之洎與其孫鱸  
鄉茂才交乃得假拜經樓善本以校所藏之缺失焉歲丙  
午鱸鄉下世吳氏所藏亦不若曩時之易於借觀矣而是  
書爲鱸鄉尊人蘇閣先生所記述鱸鄉曾手錄其稿以見  
遺因授之梓而附其父子詩文若干首於後以廣其傳并  
著平日所閱歷以見購藏之不易苟非若宛牀先生之精  
於鑒別雖擁書數萬卷未足傲南面百城也道光丁未九  
月朔蔣光照識

國初吾邑東南藏書家首推道古樓馬氏得樹樓查氏蓋  
兩家插架多宋刻元鈔而於甲乙兩部積有異本其珍守

已逾數世不僅爲充棟計也兎床先生祖籍休甯流寓尖山之陽百有餘年矣世以文章經術著稱先生博綜群書纂述宏富值馬氏查氏遺書散布人間先生偶得其殘帙流連景慕每繫跋語以寄其慨迨後搜討益勤兼於吳門武林諸藏書家互相鈔校并與同邑周松靄大令陳簡莊徵君賞奇析疑獲一秘冊則其爲題識歌詩以紀其事故拜經樓之藏弄足與道古得樹二家後先鼎峙嘉慶癸酉先生年八十一下世次君蘇閣明經彙錄藏書跋語所爲五卷秘之篋衍不以示人歲己亥余客硤州蔣氏之別下齋時明經沒已數年哲嗣鱣鄉茂才出示遺墨其中辨誤析疑兼及藏書之印記書版之行款鈔書之歲月莫不詳



識海昌遺老之載籍世鮮傳本並爲著錄其留心桑梓不  
僅汲古之深心天生沐廣文讀而稱善鈔藏其副乙巳之  
秋鹽鄉謝世遺書塵封問奇無自生沐廣文謂拜經題跋  
實勝讀書敏求記欲廣其傳乃囑庭芬偕許君光清校寫  
付梓并輯蘇閣明經父子詩文一卷附之余嘗見寒中初  
白二先生收藏之本皆有跋尾惜無人搜輯以傳免床先  
生鉛槧之餘得存此五帙視道古得樹二家爲無憾矣而  
蘇閣父子保守遺跡累世不怠亦自來藏書家所難能也  
此書傳蘇閣父子之苦心亦可告慰矣道光丁未重九前  
一日鄉後學管庭芬謹跋

拜經樓藏書題跋記五卷（全一冊）


（清）吳壽暘撰

江蘇廣陵古籍刻印社出版  
揚州古籍書店發行

一九八二年三月第一次印刷

定價十五元六角













\$ 86.00